



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Enchiridion Sev Manuale Episcoporum Pro Decretis in
Visitatione, & Synodo, de quacumque re condendis.**

Gavanti, Bartolommeo

Venetiis, 1650

De vita, & honestate clericorum, ex Conc. Prouinc. 1. & 4.

urn:nbn:de:hbz:466:1-9534

coniectura habeantur legitima. videlicet.

Si quis post cessam ab se Ecclesiam, vel Monasterium, aut Beneficium, & publicatam resignationem, seu cessionem, captamque à successore possessionem, sese in illa, vel illo, seu rebus illius, per se, vel alium, seu alios, de facto ingesserit, aut fructus perceperit, aut quicumque successor illi, vel eius propinquis ipsos, aut partem aliquam remiserit eorundem.

Si recipiens beneficium constituerit dimittentem, vel eius parentes, aut propinquos, Procuratores ad percipiendum, vel locandum fructus beneficij dimissi, & illi, vel illis de fructibus perceptis, aut percipiendis donationem fecerit.

Si, vel sola procuratoris depositione, vel libris rationibus mensuratorum ex parte dimittentis expeditio, quæ personam recipientis concernit, prosequuta sit, simulque expensæ pro ea necessaria ab illo factæ fuerint.

Denique si quis pro concessione alieni facta, quacunque auctoritate, de beneficio Ecclesiastico, per se, vel alium, seu alios, intercesserit, vel aliàs in negotio concessionis sese immisecerit quoquo modo, deinde aliquid de fructibus talis beneficij, de facto, etiam per manus possessoris, ac etiam simplicis donationis titulo perceperit, seu de illo postmodum ad voluntatem intercessoris fuerit dispositum quando-cumque.

Testes autem &c. Decernit ut duo testes valeant singulas præsumptiones, & coniecturas probare, & quod plures huiusmodi præsumptiones, & coniecturæ faciant in prædictis plenam probationem.

Admittuntur etiam in simoniis, & ceteri omnes, qui in casibus simoniæ recipi possunt ad perhibendum testimonium.

Sed ne quis &c. Decernit tandem huiusmodi beneficia confidentiam consecuta, reservata existere dispositioni Apostolicæ, confidentiariorum autem obtentis beneficijs, pensionibus, administrationibus, officijs, & dignitatibus priuatos esse, ac inhabiles ad quacumque in futurum reddi, prout priuat, ac inhabiles ad futura decernit, ac in iuris subsidium excommunicationis sententia innodat, à qua nullus, nisi in mortis articulo constitutus, ab alio, quàm à Romano Pontifice absolutionis beneficium valeat obtinere.

Pij V. Bulla de Horis canonicis.

EX proximo Lateranen. Concilio pia & salubris sanctio emanauit, ut quicumque habens beneficium Ecclesiasticum cum cura, & sine cura, si post sex menses, quàm illud ob-

tinuerit, diuinum officium, legitimo cessante impedimento, non dixerit, beneficiorum suorum fructus pro rata omissionis officij & temporis, suos non faciat: se de eos, tamquam iniuste perceptos, in fabricas ipsorum beneficiorum, vel pauperum eleemosynas erogare teneatur. Verumtamen multorum animi suspensione tenentur, cuiusmodi ratæ prædictæ ratio sit habenda: Nos huic rei euidentius, atque expressius providere volentes, statimus ut qui horas omnes Canonicas uno vel pluribus diebus intermiserit, omnes beneficij seu beneficiorum suorum fructus qui illi, vel illis diebus responderent, si quotidie diuiderentur: qui vero matutinum tantum dimidiam: qui cæteras omnes horas, aliam dimidiam: qui harum singulas, sextam partem fructuum eiusdem diei amittat: tametsi aliquis Choro addictus, non recitans, omnibus horis Canonicis cum alijs præsens adsit, fructusque, & distributiones fortè aliter assignatas, sola præsentia iuxta statuta consuetudinem; fundationem, vel alias sibi lucrificasse prætentat. Is etiam præter fructuum, & distributionum amissionem: item illi qui primis sex mensibus officium non dixerit nisi legitimum impedimentum ipsum excusauerit, graue peccatum intelligat commississe. Declarantes præstimoniam, præstimoniales portiones, & qualiacumque alia beneficia etiam nullum omnino seruitium habentia, obtinentes, cum prædictis pariter contineri. At quicumque pensionem, fructus, aut alias res Ecclesiasticas ut Clericus perceperit, eo modo prædicto ad dicendum officium paruum Beatæ Mariæ Virginis decernimus obligatum, & pensionem, fructuum, rerumque ipsarum amissioni obnoxium. Nulli ergo omnino hominum liceat hanc paginam nostrorum, statuti declarationis, & decreti infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum eius, se noverit incursum. Dat. Romæ. Apud Sanctum Petrum, Anno Incarnationis Dominicæ, Milleesimo, Quingentesimo, septuagesimo primo, Duodecimo Kal. Octobris Pontificatus Nostri. Anno sexto.

Cæs. Glotierius.

Decretum de vit. & honest. Cleric. Collectum ex Concil. Prou. 1. & 4. hoc tit. & de diuin. Offic. ac ext. 5. de Chori disciplina.

QVales eos esse oporteat, qui diuino cultui sacrisque Ministerijs consecrati sunt ecclesijs

his magister Christus Dominus docuit illis verbis: vos estis sal terræ, ac lux mundi; itaque nihil illos agere, nihil gerere, nihilque præ se ferre oportet, quod non simplex, castum, integrumque sit ut modestiæ, morum sanctitatis, ac virtutum denique omnium cæteris exemplum quasi lumen ipsi præbeant. Quare Clericorum animis nihil frequentius infigi oportet, quam Canones, Decreta, Constitutiones, vitæ honestas, sanctitas.

Et quoniam Concilij Prouinc. i. §. piæ & 4. tit. de vit. & honest. & 5. de Chori disciplina multa hoc de genere præscripta sunt. Ideo enixè in Domino hortamur obsecramus omnes vos, ut assidue ipsum concilium præ manibus habeatis, & quæ ibi præscripta sunt diligenter exequamini, præcipuè verò illud Curatis cordi sit, ut ter in hebdomada, aut eò etiam sæpius quo, vel loci consuetudo, vel necessitas crebriorem diuini sacrificij vsum postulabit, Missæ Sacrum faciant: porro cæteri Clerici singulis mensibus; Diaconi verò, & Subdiaconi, bis saltem Sacram Eucharistiã sumant in mente; Parocho autem, quos in hoc negligentes viderint, ad Episcopum deferant.

Diuinum officium, qui beneficiati sunt, vel sacris initiati, sine iusti impedimenti causa ne intermittant, memores quod ultra mortalis peccati commissionem, beneficiorum suorum fructus etiam suos non faciunt sed tamquam iniuste perceptos in eius Ecclesiæ fabricam, vel pauperum Eleemosynas erogare debent: & quod si XV. dierum spatio bis illud omiserint, iure beneficio priuari possunt: ac proinde Nos monemus tenore præsentis decreti omnes Beneficiatos, ut ad præscriptum dicti Conc. officium recitent, & nulla ratione prætermittant: Sacris vero initiati in hoc delinquentes nos seueros ultores experientur.

Clerici Catechismum Romanum, Sac. Conc. Trid. Prouincialia, necnon Diœcesanas constitutiones omnino habeant. Calendarium item pro regulando diuino officio iussu nostro editum sibi comparent; ad eiusque præscriptum officium diuinum recitent.

Parocho non nisi librum Rituum iussu sel. rec. Pauli V. Editum in sacramentis ministrandis adhibeant summas casuum conscientia, & Sermonum libros peruoluant.

Omnes deferant tonsuram; in habitu autem nõ sit, nec exquisitæ elegantia cultus, nec nimis abiecta negligentia, & affectatæ sordes appareant: si procul habitus & ornamenta nouitas, serici vestimenti ubique vsus abscedat, & reliqua, quæ de Clericorum vestitu eodem Concilio præscripta sunt accuratè exequantur.

Bart. GAHART,

Monitiones ex Conc. 4.

Primò, fratres, & filij in Christi carissimi memores perpetuè estote vocationis, qua vos dignatus est Dominus noster.

Qua assidua recordatione, memoriaque excitati eam vos virtutem induite, ut videant alij quasi lumen aliquod vestram sanctitatem elucere. Quæ si magna in alijs vitæ Christianæ institutis, requiritur ut certe in vobis, qui mysteriorum Dei ministri, diuineque gratiæ dispensatores estis maior inesse debet.

Et sicut sacro ordine à reliquis hominibus seiuncti estis, ita, à communis fidelium vitæ vsu seiuncti, præcipuum quoddam, atque hoc præstantius viuendi genus sequimini quo ordine dignitate præcellitis.

Celestem in terris viam, tamquam Angeli Dei, moribus vestris exprimere vsq; adeo studete ut à vobis diuinarum virtutum exempla ad cæte ros emanent.

Vna animi confessione, vnoque spiritu in ijs elaborate, ut diuino cultui, & celestium rerum meditationibus, & orationi, & sacrarum Ecclesiasticarumque litterarum studijs vacetis, tum depositis secularibus, vanisque sollicitudinibus ab omni vitio alieni, in via Domini rectè ambuletis.

Charitatem in primis quæ Seminariū est omnium virtutum, omni studio amplectimini.

Humilitatem, Mansuetudinem, Patientiam, Iustitiam, Temperantiam, officiaque Christianæ pietatis reliqua colite. Quæcumque denique sunt vera, quæcumque pudica, quæcumque sancta, ac religiosa, ea cogitate, eaque agite.

Virtutes sanctorum Patrum, quas præcipuas, & quasi hereditarias nobis admirationem reliquerunt, non adumbrare solum, sed omnino exprimere certatim contendite.

Utque illi, sic vos abstinentiæ, & ieiunijs dediti clericalis disciplinæ, ac vitæ castissimæ studiosi, tum patriæ celestis sitientes, Deo seruite assiduis diuinarum laudum, officij, & in Ecclesia, quasi in perpetua vestra sacerdotali, Clericali; statione continenter versamini.

Quæcumque demum de muneris vestri partibus, de vitæ modo, vel Pontificum sanctionibus, vel Oecumenicis Concilijs, vel Prouincialibus, Diœcesanisque Synodis, vel alia ratione præscripta sunt, ea vos seruate, ac præstare diligenter.

Omnes qui Canoniarum Horarum officijs deiuncti estis, statutas eas preces horarias recitate ad præscriptam Calendarij anniuersarij rationem, ac ritum.

Nec verò negligentem, sed attentè, piè, decorè

V corè